



PRÓRROGA DA VIXENCIA DO INFORME AMBIENTAL ESTRATÉXICO SOBRE O PLAN ESPECIAL DE DOTACIÓNS E INFRAESTRUTURAS PARA INSTALACIÓNS DEPORTIVAS EN MORÁS, NO CONCELLO DE ARTEIXO

Expediente: 2018AAE2216

ANTECEDENTES

O 27.8.2018 a anterior Dirección Xeral de Calidade Ambiental e Cambio Climático formulou o informe ambiental estratéxico relativo ao "Plan especial de dotacións e infraestruturas para instalacións deportivas en Morás, no concello de Arteixo", que se fixo público no *Diario Oficial de Galicia* do 12.9.2018.

O 21.3.2024 recibíuse na Dirección Xeral de Calidade Ambiental, Sostibilidade e Cambio Climático un escrito do concelleiro delegado de Urbanismo do Concello de Arteixo no que solicita unha prórroga da vixencia do informe ambiental estratéxico.

CONSIDERACIÓNS LEGAIS

Segundo o disposto na Lei 9/2021, do 25 de febreiro, de simplificación administrativa e de apoio á reactivación económica de Galicia (artigo 35.2, letra c, e disposición transitoria cuarta), o informe ambiental estratéxico perderá a súa vixencia e cesará na produción dos seus efectos se non se aproba o planeamento no prazo máximo de seis anos desde a súa publicación no *Diario Oficial de Galicia*. En todo caso, o órgano ambiental poderá acordar unha prórroga da vixencia do informe ambiental estratéxico por outro prazo de dous anos, tras solicitude formulada polo promotor.

A Dirección Xeral de Calidade Ambiental, Sostibilidade e Cambio Climático ten atribuídas as funcións en materia de avaliación dos efectos de determinados plans e programas no ambiente, ao amparo do Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda.

Tendo en conta o anterior, ACORDO:

Prorrogar por un prazo máximo de dous anos a vixencia do informe ambiental estratéxico relativo ao Plan especial de dotacións e infraestruturas para instalacións deportivas en Morás, no concello de Arteixo. Este prazo empezará a contar o 13 de setembro de 2024.

No caso de que perda vixencia o informe ambiental estratéxico polo transcurso da prórroga, o promotor deberá iniciar novamente a avaliación ambiental estratéxica (artigo 35.2, letra c, da Lei 9/2021, do 25 de febreiro).

A directora xeral de Calidade Ambiental, Sostibilidade e Cambio Climático
Sagrario Pérez Castellanos
(documento asinado dixitalmente)

